



DAYANGKU MASNIAH



PETER VOO

UMS hulur bantuan mangsa kebakaran di Pekan Nabalu

UB.P.4.10/6/2021

KOTA KINABALU: Universiti Malaysia Sabah (UMS) menerusi Kelab Suri Rumah dan Staf Wanita UMS (KESUMBA) dengan Kerjasama Kelab Kerja Sosial, Fakulti Psikologi dan Pendidikan (FPP) menghantar sumbangan untuk membantu meringankan beban mangsa ditimpa bencana kebakaran di Kg Balabakan, Pekan Nabalu.

Sumbangan berupa barangan keperluan seperti makanan dan pakaian disampaikan kepada enam keluarga mangsa kebakaran terjejas.

Penyerahan sumbangan dilaksanakan mengikut Prosedur Operasi Standard (SOP) yang ditetapkan.

Sumbangan disampaikan Timbalan Setiausaha Kehormat KESUMBA, Dayangku Masniah Ag Madaud dan wakil Kelab Kerja Sosial FPP, Prof. Madya Dr. Peter Voo.

Dayangku Masniah berkata KESUMBA sentiasa melaksanakan aktiviti sosial dan kebajikan kepada masyarakat sama ada dalam kampus atau luar kampus selaras matlamat kelab tersebut.

"Ahli-ahli KESUMBA komited untuk menjadikan aktiviti berbentuk sumbangan seperti ini sebagai aktiviti yang berterusan sepanjang tahun," katanya.

Dr. Peter Voo pula menjelaskan Kerjasama yang julung kali dibuat bersama

KESUMBA merupakan hasil inisiatif dan saranan Yang Dipertua KESUMBA, Datin Dr. Amalina Abdullah.

"Kelab Kerja Sosial FPP dan pihak KESUMBA dijangka akan mengadakan beberapa lagi aktiviti kemasyarakatan bersama selepas ini dengan mematuhi SOP yang diberikan.

"Komitmen kami untuk terus memberikan bantuan sama ada kepada individu, komuniti mahupun masyarakat," katanya.

Sementara itu, seorang ahli keluarga mangsa kebakaran, Jainah ketika menceritakan tragedi tersebut memberitahu kebakaran berlaku dengan cepat sehingga meranapkan tiga rumah yang didiami enam keluarga tersebut.

"Kami tidak sempat menyelamatkan apa-apa barang termasuk dokumen pengenalan diri kami, tapi syukur semua ahli keluarga kami selamat.

"Ucapan terima kasih tidak terhingga kepada wakil KESUMBA dan Kelab Kerja Sosial FPP yang sudi hadir untuk memberikan bantuan bakul makanan serta pakaian kepada mangsa kebakaran di sini," katanya.

Turut hadir dalam rombongan UMS itu Ketua Puteri KESUMBA, Lydia Hurgerty Felix dan Presiden Kelab Kerja Sosial UMS, Mohd Zahid Wedi.